

րել են Մխիթարեանները երկու հարիւր տարւան անընդհատ խուզարկութիւններով գրադարանների մէջ, որոնք վանքերում սնուել, խնամուել եւ ամբողջ ոյժով նուիրուել են մեր նախնեաց գործերի ուսումնասիրութեամբ: Մխիթարեանները ոչ միայն հնից մնացած գրականութիւնը քննութիւնների բովից անցկացրին եւ զտեցին, այլ եւրոպական գրականութեան մէջ մեր երկրի, լեզուի, գրականութեան, պատմութեան, ցեղագրութեան, պեղումներից դուրս բերուածների մասին յայտնագործուած ամէն մի գործ թարգմանեցին եւ ժողովրդականացրին: Սորանից աւելին չէին կարող անել, քանի որ նիւթապէս կաշկանդուած էին եւ տիրող պետութիւններից արգիլուած: Այլշանը 70 տարի Հայաստան երգեց եւ առանց Հայաստանը տեսնելու, այցելելու՝ գերեզման իջաւ: Այտնեանը Հայ գեղջուկի գաւառական բարբառները եւ նրանց կազմն ու փոփոխութիւնները վերլուծեց, առանց Հայաստանի օդը շնչելու եւ ջուրը խմելու:

Նկատի ունենալով որ այժմ հին Հայաստանի գաւառների յիշատակարաններից մնացորդները ի սպառ կործանուած են, կենդանի Հայաստանը ի սպառ ջնջելուց յետոյ, պատմական յիշատակարանների ջնջումն է կատարուած, Լէնդ-թիմուրի, Լալա եւ Օսման-Ֆէյզի փաշաների կիսատ թողածները մեծ քաջագործութեամբ լրաց-